

**Мырзабеков Ержан Есілбековичтің 6D010300 – «Педагогика және психология» мамандығы бойынша философия докторы (PhD) дәрежесін алу үшін «Болашақ мұғалімдердің креативті тұлғасын инновациялық іс-әрекетке дайындау процесінде қалыптастыру» тақырыбы бойынша ұсынылған диссертациялық жұмысына**

**Екінші ғылыми жетекші, педагогика ғылымдарының кандидаты, Қожа Ахмет Ясауи атындағы Халықаралық қазақ-түрік университетінің профессоры Т.А. Данияровтың**

### **ПІКІРІ**

Білім беру жүйесінде жастарға сапалы білім беріп, олардың тұлға ретінде қалыптасуына, үйлесімді дамуына ұстаздардың жалпы педагогикалық, ғылыми-теориялық, әдістемелік жаңалықтар мен озық тәжірибені жетік меңгеруінің, кәсіби дамуының маңызы зор. Жоғары оқу орындарында болашақ бакалаврларды кәсіби даярлаудың басты мақсаты – шығармашылық даралығы мен ерекше шығармашылық ойлауы бар тұлғаны дамыту. Тек қана арнайы білім алу жақсы түлек деп аталу үшін жеткіліксіз, жеке тұлғаның жеке бейімділігіне, креативті әлеуетіне сәйкес келетін жеке тұлғаның осындай аспектілерінің дамуын ескеру қажет.

Зерттеу жұмысында университет студенттерінің қоғамдық өмірдің өзіндік дамуы мен қалыптасуының субъектісі ретінде инновациялық білім беру ортасында педагогикалық креативтігін қалыптастырудың теориялық-әдіснамалық негіздерін анықтау және оның ішкі тетіктерін табуға ерекше көңіл бөлуі өте құптарлық. Инновациялық білім беру үдерісі университет студенттеріне білім берудің әр кезеңінде жаңашылдық идеялар ұсынудағы жаңа тұғырлар немесе туындылар, ақыл-ой әрекеттерінің дәстүрлі жүйелермен сабақтастықта және түрлі іс-әрекетте педагогикалық креативтікті қалыптастыру мүмкіндігін тудырады.

Мұнымен қоса, зерттеу еңбегінде Ержан Есілбекович болашақ мұғалімнің кәсіби дайындығының мазмұны педагогикалық білім беруді модернизациялау контекстіне негізделген динамикалық құрылым ретінде оқытушылардың, жұмыс берушілер мен студенттердің инновациялық іс-әрекетке дайындаудың қазіргі жағдайы бірлескен қызметінде үнемі жаңартылып, жобалану қажеттілігіне басымдық берген. Креативті кәсіби дайындықтың мазмұны осы дайындықтың мүмкіндіктері негізінде қалыптасатын құзыреттілікке негізделген. Сондықтан да бүгінгі күні ЖОО студенттерінің креативті тұлғасын инновациялық іс-әрекетке дайындау процесінде қалыптастыру мәселесі өзекті болып табылады.

Диссертациялық жұмыстың «Оқу-тәрбие үдерісінде студенттердің креативті тұлғасын қалыптастырудың теориялық негіздері» атты бірінші бөлімде ЖОО студенттерінің креативтілігін дамытудың теориялық алғышарттары зерделеніп, креативті тұлғаны қалыптастырудағы болашақ мұғалімдердің инновациялық іс-әрекетке дайындаудың қазіргі жағдайы қарастырылған.



